

TE HEHEURAA API

ME 1939

NA ITE TOOTORU

I TE anotau o Iosepha Semita ua tupu te mārô i ro-
topu i te mau Ekalesia. E i te reira taime, aore
roa i papu ia Iosepha, o teihea te Ekalesia mau i rotopu i te
mau haapaoraa. A feruri noa'i oia i teie mau mea, ua tai'o
oia i roto i ta'na Bibilia i te hoê irava. Te na ô mai nei taua
irava ra e, *Te ere ra rá te hoê o outou i te ite, e ani oia i te
Atua ra, tei horoa hua mai i te maitai i te taata atoa ra, ma
te patoi ore; e e horoahia mai tana.* (Iakobo 1:5) Ua puta to
Iosepha aau i taua irava ra.

Haere atura oia i roto i te uru raau e pure i te Atua. Na
muri rii a'e ra, ua haapue te hoê poiri roa e ati noa'e ia'na,
e ua tamauhia to'na arero, area ra, ua pure noa Iosepha i
roto i to'na aau. Ite ihora oia i te hoê maramarama i nia, e
ite atura oia i na taata toopiti. Ua na ô maira te hoê o taua
na taata ra e, *E Iosepha e, o ta'u tamaiti here teie, a faaroo
ia'na.* E no te mea ua hinaaro oia i te ite e, o teihea te haa-
paoraa mau ia tia ia amui atu, pahono maira te Atua ia Io-
sepha, aore te hoê ekalesia mau i nia iho i te ao nei, area ra,
ua faaite mai te Atua ia'na te vai ra te ohipa na'na e rave.

Ua farii Iosepha i na orama e hoê ahuru aore, e na roto i
taua mau orama ra, ua faaite mai te melahi o tei fâ mai ia'-
na e roaa mai ia'na te tahi mau apĩ auro, oia hoi, te Buka a
Moromona, e na'na hoi e iriti e e papai hoi i taua Buka ra.

I te iriti-noa-raa oia i te Buka a Moromona, e na roto hoi
i taua buka ra, ua ite Iosepha, e to'na mau tauturu, e hunahia
taua mau apĩ ra i te mata o te ao nei. (II Nephi 27:12)
*Ei taua mahana ra e tunhia'tu ai taua buka ra i te tahi taata
ta'u i parau iho nei, e hunahia'i tau buka ra i te mata o to te
ao nei, ia ore te taata ia ite i te reira, maori rá o na ite tooto-
ru, e oia atoa e rave i taua buka ra, e e ite ratou na roto i te*

mana o te Atua; e riro ratou ei faaite e, e parau mau taua buka ra, e te mau mea hoi i papaihia i roto ra.

E no te mea e hinaaro mau to Olive Taudere, Davida Vitima, e to Maratini Hareti ia riro ratou ei na ite tootoru, e noaa ia ratou te reira no ò mai i te Fatu. I te ava'e Tiunu, matahiti 1829, ua ite ratou i taua mau apî Veo ra, e te Uri-ma e te Tumima atoa hoi. O te melahi Moroni ia o tei fâ mai ia ratou ma te mau apî veo i roto i to'na rima te vairaa. Ua ite papu ratou i taua mau apî ra, e ua faaue oia ia raton ia faaite i te mau taata atoa e, te vai mau ra taua mau apî ra, e ua iritihia e te horoaraa e te mana o te Atua ra. Ua na reira ratou e ua papaihia taua parau faaite na ratou ra i nia iho i te hoê apî i roto i te Buka a Moromona.

E Parau Faaite i te mau taata o tei ore i ite
i te Buka a Moromona.

Ia tae te Orometua Moromona i to outou mau utuafare, a ani atu outou ia ratou ia horoa mai ia outou i te tahi Buka a Moromona ia tai'o, ia ite papu outou i te huru o taua Buka ra.

Papaiha e Eledona, Orometua

EDITORIALE

"E TERA ra maamaa e, o te parau e, E Bibilia, E Bibilia hoi ta matou, e aore atu â Bibilia ta matou e hinaaro. E Bibilia anei ta outou, maori râ o tei no ò mai i te ati Iuda ra?

"Aita outou i ite e, e rave rahi te mau nunaa, e erā i te hoê ana'e? Aita outou i ite e, i hamani au, o te Fatu to outou Atua, i te taata atoa, e ua haamana'o hoi au i tei nia i te mau fenua moana ra; e te faatere nei au i roto i te mau ra'i i nia ra, e i roto hoi i te ao i raro nei, e te faatupu noa nei â i ta'u parau i te parau i te tamarii a te taata nei: oia ia, i te mau fenua o te ao atoa nei?

"Eaha outou e amuamu ai, i te mea e roaa â ia outou ta'u nei parau? Aore anei outou i ite e, ua riro te faaite a na fenua e piti ei faaite ia outou e, o vau nei o te Atua, e hoê â to'u haamana'oraa i to te mau fenua atoa? E no reira, hoê â ta'u parau i to te tahi fenua e i to te tahi fenua. E ia fariu mai e piti pne fenua te tahi i te tahi, e faariro-atua-hia mai hoi te ite a to taua pne fenua ra ei hoê.

"E nahi, i hoi au te mea tou e m Aore h pea o t

"E r tei roto outou e

"Te râ, e i pae i a i te ma buka i i ta'na

"Ina i te rei i te rei ela ta' parau tou i t

1. E hura na m tia a te tu te ah na o

Ua m i nia ne te mau Tiunu

“E na reira vau i te faaite atu ia outou e, hoê â vau, i nahi, i teie nei mahana, e a muri noa’tu; e te parau atu nei hoi au i ta’u mau parau mai tei au i to’u iho hinaaro. E no te mea ua oti ia’u te parauraa’tu i te hoê parau ra, eiaha outou e mana’o e, e ore e tia ia’u ia parau i te tahi atu â parau; Aore hoi ta’u ohipa i oti, e ore hoi e oti e tae noa’tu i te hopea o te taata nei, e ore hoi e oti i reira e a muri noa’tu.

“E no te mea e Bibilia ta outou, eiaha outou e mana’o e, tei roto i te reira ta’u mau parau e hope roa’e; e eiaha atoa outou e mana’o e, aore atu â parau i papaihia i ta’u ra faaue.

“Te faaue ra hoi au i te taata atoa i te pae i te hitia o te râ, e i te pae i te toea o te râ, e i te pae i apatoerau, e i te pae i apatoa, e i te mau fenua moana ra hoi, ia papai ratou i te mau parau ta’u e parau atu ia ratou; na roto hoi i te mau buka i papaihia ra, e haava vau i to te ao, te taata atoa e au i ta’na ra ohipa, mai tei papaihia ra.

“Inaha hoi, e parau atu vau i te ati Iuda, e e papai ratou i te reira; e parau atu vau i te ati Nephi, e e papai hoi ratou i te reira; e parau hoi au i na opu êê o te utuafare o Isera-ela ta’u i aratai ê atura, e e papai hoi ratou i te reira; e e parau hoi au i to te mau fenua atoa o te ao nei, e e papai ratou i te reira.” II Nephi 29:6-12.

TE PARAU AUTAHU’ARAA

No te Ava’e TIUNU

TE MAU TAATA TUIROO O TE BIBILIA

A FAATANO I TEIE MAU UIRAA I NIA I TE MAU TAATA’TOA E HAAPIIHIA

1. E peropheta anei oia ? 2. Ua tohu mai anei oia i te tahi mau tohuraa ? 3. Ua tupu anei ta’na mau tohuraa ? 4. Eaha te huru o to’na maitiraahia ? 5. Eaha te mau ohipa i faataahia na’na ? 6. E mea tia anei to’na raveraa i ta’na ohipa, e a ore râ, aita anei ? 7. Eaha te tumu i na reira’i oia ? 8. Ua mauruuru anei te Atua ia’na ? No te aha ? 9. Eaha te rê i roaa ia’na ? 10. Eaha te faufaa rahi no to’na ora ?

Ua maitihia teie mau irava i raro nei ia roaa te pahonora i te mau uiraa i nia nei. No reira a tai’o maitai outou i te reira ia tia ia outou ia pahono i te mau uiraa. Ia ui faaoti roa hoi te orometua i te mau uiraa i papaihia.

Tiunu 4. IEROBOAMA. Te Mau Arii I, 11:28-40; 12:28-33; 14:7-16; 15:34; II Paraleipomeno 13:19, 20.

Tiunu 11. РЕНОБОАМА. Te Mau Arii I, 12:1-24; 14:21-31:15:6.

Tiunu 18. ЕЛИА. Te Mau Arii I, 17; 18:21-39; 19:14; Te Mau Arii II, 2:1-11; Malaki 4:5,6.

АНАБА. Te Mau Arii I, 16:32, 33; Te Mau Arii II, 3:1, 2.

Tiunu 25. Hi'opoaraa.

Na Te Mau Maapii

Mahaere na te Mau Utuafare

TE TURE NO TE TUFEE AHURU

O TEIE te ava'e tei faataahia e to tatou Ekalesia no te feruriraa i nia iho i te ture no te Tufaa Ahuru.

Ia haamana'o tatou e, ua au roa taua ture nei i te mau faaueraa atoa a te Atua. E ia haapaohia Ta'na ra mau faaueraa atoa e tia'i. Te vai ra te hoê tumu rahi no te ora o te taata, e o teie ia, ia faatupu tatou i roto ia tatou iho i te hinaaro mau i te haapao i te mau ture e te mau faaueraa atoa ta te Atua i tuu mai i rotopu i Ta'na ra mau tamarii. Ia na reira tatou, e nehenehe ia ia tatou ia riro ei haava no te huru o to tatou iho varua. Te mau faaueraa tei hau roa'tu i te faufaa ia tatou, o ratou ia tei titau ia tatou i te rave i te chipa ma te nounou ore.

Ua riro te ture no te Tufaa Ahuru ei faufaa rahi no te tamataraa ia tatou e to tatou faaroo. Ua taupupu te taata i te horoa'tu i ta'na tao'a no teie nei ao. Mai te mea e, e tia i te taata ia horoa'tu i te tufaa ahuru o ta'na tao'a na te Atua, ua roaa ia ia'na te rê, e mai reira'tu â e tia ia ia'na ia tuu i te mau mea atoa i raro a'e ia'na.

I to te taata tuuraa'tu i te tufaa ahuru o ta'na tao'a na te Atua, te faaite mai nei oia na roto i tana raveraa ra, no ô mai ta'na tao'a taatoa i te Atua, te Fatu mau o teie nei ao. I reira e riro ai te horoaraa'tu i te Tufaa Ahuru ei parau faaite no te rahiraa o to'na faaroo i te Atua e to'na tuuraa ia'na iho i raro a'e i te mau ture a te Atua. O te tia-mau-raa teie no te Ture o te Tufaa Ahuru.

E faa
oaoa, ia

Tiunu

Ia r
fare m
maa, c
te faac

Ia r
atoa,
marii
hinaar
raa e
haapa
e riro
faa m

Na
mure
Oia i
ha To

Tiunu
haer
E to
No

Tiunu
ka
1. C
taat
reta

Tiunu
17:1

Tiunu

TE SOTAIETE VAHINE TAUTURU

No te Ava'e TIUNU

Irava tamau aa: Luka 15:10

E faaite atu vau ia outou, o te huru ia o to te mau melahi a te Atua ra oaoa, ia tatarahapa te taata hoê ra.

Tiunu 1. O te mahana iritiraa mana'o teie.

Ia maiti-atoa-hia na tuahine no te bahaere i te mau utua-fare ma te haapii haere i te parau Haapao Maitai. *Teie ta'u maa, o te haapao i to'na hinaaro o tei tono mai ia'u nei, e te faaoti i ta'na ohipa.* (Ioane 4:34)

Ia riro te parau aroha ei tumu no to tatou mau haapiiraa atoa, no te parau Haapao Maitai, e tia'i. Ia haapiihia te tamarii i te aroha mau i te Atua, e haapao ia oia i to te Atua hinaaro na'na, e na roto i te haapaoraa i Ta'na mau faaueraa e tupu ai oia ei taata etaeta e te paari. Mai te mea e, e haapao maitai te mau metua i ta te Atua mau faaueraa ra, e riro ia to ratou mau haapiiraa ei tautururaa rahi e te faufaa maitai i to ratou mau tamarii a ora'i ratou.

Na te haapao-mau-raa i roaa'i ia Iesu te rê, oia hoi te ora mure ore. Teie te parau tei riro ei hinaaro mau No'na a ora'i Oia i teie nei ao, oia hoi, Ia tupu To hinaaro, ta'u Fatu, eiaha To'u.

Tiunu 8. E faaite mai na tuahine i te huru no to raua ha-
haereraa.

E toru tapao no to te Atua aroha. Luka p. 15.

No te mamoe i moe, e te moni, e te taamaiti hoi.

Tiunu 15 Na te aroha e roaa'i ia tatou te ora mure ore. Lu-
ka 10:25-42.

1. O vai to'u taata tupu? 2. E nahea tatou e riro ai ei taata tupu maitai? 3. No te aha Iesu i faahapa'i ia Mareta i to'na fare?

Tiunu 22. Ia faaorehia te hara. Mataio 18:21, 22; Luka 17:1-10.

Tiunu 29. E faarirohia teie mahana ei mahana raveraa ohipa.

HAAPIIRAA SABATI

No te Ava'e TIUNU

PUPU PARAIMERE

Irava tamau aau: *Exodo 14:29*

Area te tamarii a Iseraela, ua haere noa ratou na ropu i taua moana ra na nia i te repo maro; riro atura te miti mai te aua ofai ra ia ratou i te pae atau, e i te pae aui.

Haapiiraa

Tiunu 4. Te mau pape tei riro ei toto. *Exodo 6:28* e tae noa'tu i te *Exodo 10:9*.

Tiunu 11. Te rui i fanau ai te hoê nunaa. *Exodo 11:1* e tae noa'tu i te *Exodo 13:22*.

Tiana 18. Ua riro te miti ei fenua maro e ua topa te faraoa. *Exodo 14:1* e tae noa'tu i te *Exodo 16:36*.

Tiunu 28. Hi'opoaraa.

PUPU PITI

Irava tamau aau: *Mosia 17:15*

Inaha, mai ta outou e rave mai ia'u nei, e na reira atoa to outou huaai i te hamani ino i te mau taata e rave rahi, oia hoi na roto i te mau iui pohe i te auahi; e na reirahia ratou no te mea e faaroo ratou i te ora a te Fatu to ratou Atua ra.

Haapiiraa

Tiunu 4. Te mau maroraa i te tau o Noa. *Mosia* pene 9 e tae noa'tu i te pene 17.

Tiunu 11. To Noa pohe i roto i te auahi. *Mosia* pene 19.

Tiunu 18. Te huru o Alama e te mau taata o te Fatu. *Mosia* pene 23 e te 24.

Tiunu 25. Hi'opoaraa.

PUPU TORU e te MAHA

Irava tamau aau: *III Nephi 2:14, 15*

E te mau atî Lamana i amui mai i te atî Nephi ra, ua amuihia ia ratou ei atî Nephi. Iritihia a'era te faaino ra ia ratou, riro ihora to ratou iri ei mea uouo mai to te atî Nephi ra te huru.

Haapiiraa

Tiunu 4. Te atî Lamana uouo. *III Nephi* pene 2.

Tiunu 11. Te episetole a te raatira o te pūpū haharu ia Lakoneusa. *III Nephi* pene 3.

Tiunu 18. Te hopea no te haharu o Gidiani. *III Nephi* p. 4.

Tiunu 25. Hi'opoaraa.

Te fa
te faaon

Ia r
te Fat
re e te
Atua i
maere
mau te
pa na
haama
mau-r
tapao
ua ma
te Eke
te faan

O te f
pahia ia
demoni
ratou i t
ma'i ia

O te
ravea
rahi o
ma'i e
e para
auraa
roto i
atu â t
te mar

Te M
maere ia
to i te m
aha ?

→→→←←←

TE MAU TAPAO

Te Mau Uiraa: 1. E horoahia te mana no te raveraa i te mau ohipa maere ia vai ? 2. Na vai te reira mana ? 3. E ahahia te feia mo'a na roto i te mau tapao ? 4. O te raveraa i te mau semeio, o te hoê ia tapao no te aha ? 5. Eaha te tahi mau huru tapao ? 6. Eaha te riro i te feia faaroo ?

*Haapiiraa Piti No Nia I***TE MAU TAPAO [e tualiraa]**

Te Faaoraraa i te Ma'i: Ua rave noa Iesu i teie huru ohipa maere a faaea'i oia i nia i te ao nei, e ua na reira atoa hoi ta'na mau aposetolo. Na roto i te mana o te Atua ua faaora ratou i te mau huru ma'i atoa. No reira hoi Iesu i parauhia'i e, "Te Taote Rahi".

I te hoê mahana a tomo ai Iesu i roto i te hoê oire, ua pii maira na lepera tino ahuru ia'na, *E te orometua, e Iesu e, aroha mai ia matou. E ia hi'o atura oia ia ratou ua parau atura, A haere, a faate i te mau tahu'a ia outou. E tei to ratou haerea na te e'a tia, faaorahia ihora ratou.* (Luka 12:14) Aue to Iesu mana e! Na roto i to'na mana e te faaroo o taua mau taata lepera ra ua faaorahia ratou.

Ua Ora Mai Tei Pohe ia Iesu: Ua faatia-faahou-hia na taata pohe tootou e te f'atu. Ua vai te tino o te hoê, o Lazaro to'na i'oa, i roto i te menema i na mahana e maha.

Ua parau atura Iesu ia'na, Aore au i parau atu ia oe e, I faaroo oe ra e ite oe i te mana o te Atua? Ua huri ê atura ratou i te ofai i taua vahi i vai-ihohia'i tei pohe ra, hi'o atura te mata o Iesu i nia, e ua parau atura, e tau Metua, e haamaitai â vau ia oe, o oe i faaroo ai ia'u nei. E oti a'era taua parau ra, ua faateitei a'era i ta'na reo, ua pii atura, E Lazaro, a haere mai i rapae. Ua haere maira taua taata i pohe ra i rapae. Ioane 11:40,41,43,44.

Te Parau Eê: Ua farii te feia mo'a i teie tapao i te mahana Penetekose na muri a'e i to Iesu poheraa. *E i a'era ratou atoa i te Varua Maitai, ua parau ihora i te parau eê, i ta te Varua i horoa mai i te parau ia ratou ra.* (Ohipa 2:4) Ua farii atoa te tahi mau Etene i teie tapao nei a a'o ai Paulo ia ratou, (Ohipa 10:44-46) e ua farii te tahi mau taata i te reira i Ephesia. (Ohipa 19:6)

Eaha te faufaa o taua tapao parau eê ra, maori râ, ia haamori i te Atua na roto i teie faaiteraa a te Varua Maitai. Ua na ô maira Paulo, *O tei parau hoi i te parau e ra, aore ia i parau i te taata, i te Atua râ; aore hoi e taata i ite i ta'na parau; ua parau râ oia i te parau aro o te Varua.* (I Korinetia 14:2)

Te Mau Uiraa. 1. E hia taata lepera tei faaorahia e Iesu i te taime hoê? 2. Eaha ta Iesu parau ia ratou? 3. E hia taata pohe tei faaorahia e Iesu? 4. Ua vai to Lazaro tino i roto i te menema e hia mahana? 5. No te aha Iesu i faaora mai ai ia'na? 6. Eaha ta Iesu parau ia Lazaro? 7. Eaha te parau eê? 8. O vai te farii i te reira?

Mai
tautur
no te h

Hou
su é,
râ te
ra. (I
Atua
tei ite
ne 11:

E te
po mai
na ô m
metua
E ere
mea r
Faaora
taata e
ra oia

Aita
maere.
su para
Aita a
taata,
ki e te
tera ra

I horo
taua Var
ia, na ta
rua ra.
tahi ra,
12:8-10)

Te M
Iesu par
te Atua
raa? 5
petizo i
hia mai

*Haapiiraa Toru No Nia I***TE MAU TAPAO [e tuatiraa]**

Mai te matamua mai â ua ravehia te mau semeio no te tautururaa i ta te Atua ohipa e ia faahanahanahia oia, eiaha no te haamauruururaa i te mata o te taata.

Hou to'na faatia-faahou-raa ia Lazaro, ua parau maira Iesu e, *E ore te reira ma'i e riro ei ma'i pohe, ia haamaitaihia râ te Atua, e ia haamaitaihia hoi te Tamaiti a te Atua i reira.* (Ioane 11:4) Ua tauturu teie faaoraraa i te ohipa a te Atua no te mea e, *E te ati Iuda i haere mai ia Maria ra, o tei ite ta Iesu i rave ra, e rave rahi ia tei faaroo ia'na.* (Ioane 11:45)

E te haere noa ra oia ra, e ite atura oia i te hoê taata matapo mai te fanauraa mai â. Ua ui maira ta'na mau pipi ia'na, na ô maira, E Rabi, na vai te hara, na'na iho anei, e na na metua anei, i fanau matapo mai ai oia ? Ua parau atura Iesu, E ere i te hara a teie nei taata e te hara a na Metua ra, no te mea râ ia itea te ohipa a te Atua ia'na nei. (Ioane 9:13) Faaora ihora Iesu i taua taata matapo ra ia ite papu te mau taata e, o Iesu ihoa te maramarama o teie nei ao, e te rave ra oia i te ohipa a tei to'no mai ia'na.

Aita te mau tavini atoa o te Atua i rave i te mau ohipa maere. Aita o Ioane Bapetizo i rave i te semeio noa'tu ta Iesu parau e, *E rahi atu ia oia i te peropheta.* (Mataio 11:9) *Aita a hoi ta Ioane tapao i rave, area te mau parau i teie nei taata, e parau mau ana'e ia.* (Ioane 10:41) Aita hoi o Malaki e te tahi mau peropheta i te faufaa tahito i rave i te semeio tera ra, ua na reira te pae rahi o to te Atua mau tavini.

I horoahia mai te parau paari e te Varua, i te hoê ra; e i horoahia mai e taua Varua ra te parau e noa'i te ite, i te hoê. Ta te tahi ra, o te faaroo ia, na taua Varua ra; ta te tahi ra, o te ite ia i te faaora ma'i na taua Varua ra. Ta te tahi ra, o te rave tapao ia; ta te tahi ra, o te tohu ia; ta te tahi ra, o te parau êê ia; ta te tahi ra, o te faaite parau êê ia, (I Korinetia 12:8-10)

Te Mau Uiraa: 1. Ua ravehia te mau semeio ei aha ? 2. Eaha ta Iesu parau no to Lazaro ma'i ? 3. Ua tauturu te reira semeio i te ohipa a te Atua i te aha ? 4. No te aha te hoê taata i matapohia'i i to'na fanauraa ? 5. No te aha Iesu i faaora mai ai ia'na ? 6. Ua rave anei Ioane Bapetizo i te mau semeio ? 7. E mana rahi anei to'na ? 8. Eaha te horoahia mai e te varua ?

Haapiiraa Maha No Nia I
TE MAU TAPAO I TEIE TAU

Na muri a'e i to Iesu poheraa, ua faaue oia i ta'na mau aposetolo ia haere i te mau fenua atoa i te poro haere i te E-vanelia, *E te feia faaroo ra, e riro ia ratou teie nei mau tapao*, oia hoi, te mau ohipa maere. Te faaroo nei to te Ekalesia a Iesu Mesia i te Feia Mo'a i te Mau Mahana Hopea Nei e, te vai mana noa ra taua tãpũ a te Atua ra i teie nei â, e tei roto i te Ekalesia nei te mana no te raveraa i te mau ohipa maere a te Atua. Te tamau noa nei â te feia tei mau i te Autahu'araa i te tuu i te rima no te faaoraraa i te feia ma'i, mai tei ravehia i mutaa ihora e mai te au i tei faauehia mai e te Fatu. (Mareko 16:18) Ua rahi atu â hoi te mau tapao i faaitehia mai i teie tau.

E ore te Atua e haapao i te huru o te taata, (Ohipa 10:34) e ore hoi oia e tauturu i to'na feia i te hoê tau e e faarue ia ratou i te tahi tau, mai te mea e, e haapao maitai ratou i ta'na mau faauearaa. *Hoê â hoi Iesu Mesia huru, i nanahi, i teie mahana, e a muri noa'tu*. (Hebera 13:8) Hoê â hoi ta'na ohipa i nanahi, i teie nei mahana, e a muri noa'tu.

Ua na ô maira te peropheta ra o Moroni i roto i te Buka a Moromona ra:

Ua oti atoa ia'na te parau e, A tatarahapa, e to te mau hopea o te fenua, e haere mai ia'u, e bapetizohia i to'u ra i'oa, e faaroo mai ia'u, ia faaorahia outou.

E teie nei, e tau mau taeae here, e mai te mea e parau mau te reira, e parau mau ta'u e parau nei ia outou ra, e e riro hoi te Atua i te faaite mai ia outou ma te mana e te hanahana rahi i te mahana hopea ra e, e parau mau iho â ia te reira; e e parau mau ia te reira, ua tae anei i te mahana e faaotihia'i te raveraa i te semeio?

E ua faaea atoa anei te mau melahi i te fâ mai i te tamarii a te taata nei? E ua tapeahia anei e ana te mana o te Varua Maitai eiaba e tae ia ratou? E na reira anei oia a vai ai te tau, a mau ai te fenua, a parahi ai hoi te hoê taata i nia i te fenua ia faaorahia oia?

Inaha, teie ta'u parau ia outou, Aita; no te faaroo hoi e ravehia'i te semeio; e no te faaroo atoa hoi e fâ mai ai te mau melahi e parau i te taata; no reira, ia faaorehia taua mau mea nei, atae hoi te mau tamarii a te taata nei, no te faaroo ore ia te reira, e na riro ta tatou mau ohipa ei mea faufaa ore. (MORONI 7:34-37)

Te Mau Uiraa: 1. E riro te man tapao ia vai? 2. Te tauturu nei to te Ekalesia a Iesu Mesia i te Feia Mo'a i te Mau Mahana Hopea Nei i te feia ma'i na roto i te aha? 3. O vai te tauturuhia e te Atua? 4. E faahuru e anei te Atua i to'na haapaoraa i te feia tei haapao ia'na? 5. No te aha e ravehia'i te semeio? 6. Mai te mea e, e faaorehia te semeio, e na reirahia ia na roto i te aha?

Te faa
Iesu Mes
Tiunu
himene
aau.

Teie

I mu
haere a
ne, no
re. Va
Ia tae
tua. U
hia e te
na ite
Pure at
ai ra oi
hopoi e

Faao
pii atu
mau ta
te aro
ta oia i
te mau
hape ta
Iesu ia
na, A
no reir
tou ia'

Ua h
tou ia'
ma ra,

HAAPIIRAA PARAIMERE

No te Ava'e TIUNU

Irava tamau aau: *Hiroa Faaroo N° 1*

Te faaroo nei matou i te Atua, te Metua mure ore, e i Ta'na Tamaiti ia Iesu Mesia, e i te Varua Maitai hoi.

Tiunu 1. A aratai i te mau tamarii i te himeneraa i te tahi himene apî e au na ratou, e a tamau maitai i te irava tamau aau.

Teie te hoê parau aamu e au no teie nei mahana.

Te Mahana Tia-faahou-raa o Iesu

I muri iho i to Iesu e to ta'na mau pîpî amuraa i te Pasa, haere atura oia ma te tino ahuru ma piti i te ô i Getesemane, no te mea e, e mea pinepine to'na haereraa i reira ia pure. Vaiiho atura oia i na pîpî toovau i te uputa o taua ô ra. Ia tae oia ana'e i te hoê vahi ra, pure atura oia i to'na Metua. Ua ite oia e, ua tae mai te taime no to'na faasatauraahia e te mau taata hara. E oto rahi roa to'na, no te mea e, ua ite oia e, te vai noa nei â te mau taata hara i te ao nei. Pure atura oia mai te huru ra e, eita oia e pohe, i na ô mai ai ra oia, *E aba, e tau Metua, e tia te mau mea atoa ia oe; e hopoi ê atu i teie nei au'a; ia tupu ra to oe hinaaro, eiaha to'u.*

Faaoti a'era Iesu i to'na pure e ua tamaru i to'na mafatu, pii atura i ta'na mau pîpî no te mea e, e mea fatata mai te mau taata hara ia haru ia'na. Afai atura ratou ia'na i mua i te aro o Pilato. Ua ite o Pilato e, e taata maitai o Iesu, e aita oia i hinaaro i te faasatauro ia'na. Faaite atura Pilato i te mau taata, e taata maitai o Iesu e aita oia i ite i te hoê hape ta'na i rave. Imi ihora Pilato i te tahi mau ravea ia ore Iesu ia faasataurohia, area ra, ua pii noa'tu te mau taata ia'na, *A faasatauro ia'na.* Eiu roa a'era Pilato i te mau taata, no reira, tuu atura oia ia Iesu i te mau taata, afai atura ratou ia'na i nia i te aivi e faasatauro ihora ratou ia'na.

Ua hopoi to'na mau hoa ia'na i te menema, tuu atura ratou ia'na i roto e haere atura. Te mau tia ra no taua mene-ma ra, ua tuu ratou i te hoê ofai rahi i mua i te uputa o taua

menema ra, no te mea ua ite ratou e, ua parau te Mesia i te mau taata e, e tia faahou mai oia i te toru o te mahana. I te toru o taua na mahana ra, ua haere te tahi mau hoa no'na ra i te menema, ma te mau raau no'ano'a ta ratou i putu ra, area ra, i to ratou taeraa i reira, ua iritihia te uputa o taua menema ra e aita te tino o te Fatu ra o Iesu Mesia i reira. Parau maira te hoê melahi ia ratou, na tia faahou mai oia. E, o te tia-faahou-raa matamua teie i teie nei ao. Ua riro ia ei hohoa na tatou paatoa. E no reira, *mai te taata i hope i te pohe ia Adimu, e hope atoa i te faaorahia i te Mesia.*

Tiunu 8. Ia riro teie mahana ei mahana hautiraa. A haapii i te mau tamarii i te mau hauti apî. Ia oti te reira, teie te tahi parau aamu e au na ratou.

A haapii atu i te mau tamarii i te parau aamu no Davida e te aito o te nuu Philiseti, o Golia to'na i'oa. I Samuela 17:1-54.

Tiunu 15. Te Faaroo No Te Hoê Tamaiti.

Te parahi ra te hoê tamaiti, o Ioane to'na i'oa, i te oire ra i Rotterdam, i te fenua ra o Holland, e i na matahiti i mairi a'enei, ua tupu te ma'i i nia iho i to'na mata e ua fatata roa oia i te matapohia, e aita roa e nehenehe ia haere i te haapiiraa.

I te matahiti 1906, ua faaite atu te mau taata no te oire o Ioane, e farerei te Pesesideni no te Ekalesia, o Iosepha F. Semita, i te mau taata i reira. Parau atura Ioane i to'na mama, "e mana rahi roa a'e to te Peropheta i te mana o te orometua. Mai te mea e aratai oe ia'u i te pureraa e ia hi'o taua taata ra i roto i to'u na mata, e ora ihoa te reira."

E mai te au i to'na hinaaro, aratai atura to'na mama ia'na i te pureraa, e i te otiraa o taua pureraa ra, haere ihora te Peresideni e farerei haere i te mau Feia Mo'a i te pae uputa ra.

I to Ioane haereraa e farerei i te Peretiteni, arataihia ihora oia e to'na mama. I to te Peresideni iteraa ia'na, iriti ihora oia i te ahui tei tapoi i to'na mata, hi'o ihora oia i roto, e ua parau atura i te tahi mau parau, na roto i te reo Bareta-

ne, ia
rau ra.

Area
taua m
to'na t
ua ora
au i te

Ua r
i te ha
i te hoê

Tiunu

To I

Tiunu

I mu
ve roa
ra, i ro
ra C. F
me, na
ma a'e
e e rav

I to'
i to'na
parau
mau p
mau p
mau p

Faat
taata i
ro ia.
pae o
tae oio
taata i
ratou r

No r
mebela
ia fern
mea, te
na, e
mai.

ne, ia Ioane, aita ra o Ioane i ite i te auraa o taua mau parau ra.

Area ra, ua mauruuru ihoa o Ioane. Ua faatupuhia ihoa taua mau mea ra mai te au i to'na faaroo e to'na hinaaro. I to'na taeraa i te fare, pii atura oia i to'na mama, *Mama e, ua ora to'u na mata; aita e mauui faahou, e te ite atoa nei au i te mau mea atoa.*

Ua maitai oia e tae noa'tu i teie tau. Ua haere faahou oia i te haapiiraa e ia ite te taata ia'na aita roa te hoê taata i ite i te hoê ati ta'na i farerei i te mau matahiti i mairi a'enei.

Tiunu 22. Teie te hoê parau aamu e au no teie mahana.

To Lazaro faaoraraahia e te Mesia. Ioane 11:1-55.

Tiunu 29. A haapii atu i te mau tamarii i teie parau aamu.

TE TOHU

I muri rii a'e i te taeraa o te Feia Mo'a i Roto Miti, na vev-roa ratou, e aita ratou i ite e, eaha to ratou hopea, area ra, i roto i te hoê amuiraa, ua a'o atu te hoê taata, o Hebera C. Kimebela to'na i'oa, e ua tohu atoa oia i te reira taim-e, na ô maira ra oia, *E mea poto roa te taim-e toe e hoo mama a'e ai te mau tao'a i Roto Miti i te mau tao'a i New York, e e ravai roa ia te maa e te ahu i Roto Miti.*

I to'na hoiraa i to'na parahiraa, faaite atura taua taata ra i to'na hoa, aita roa i papu ia'u e parau mau anei taua mau parau ta'u i parau atu i te mau taata, area ra, e ere roa taua mau parau ra i ta'u iho, te taata ra tei faaite mai ia'u i taua mau parau ra, ua ite papu oia e, e faatupu-mau-hia taua mau parau ta'u i tohu a'e nei.

Faatupuhia ihora taua tohu ra, no te mea, ite ihora te mau taata i te hoê tao'a fenua i te tufaa fenua Tarafonia, te auroia. Ua rahi roa te mau taata no te hitia o te râ, e no te pae o New York tei haere i reira, e no to ratou hinaaro ia tae oioi, hoo mama ihora ratou i ta ratou mau tao'a i te mau taata i Roto Miti, e ua taui atoa te mau taata i Roto Miti i ta ratou mau maa faaapu i taua mau taata ra.

No reira, e parau mau ihoa taua tohu ra, ta Hebera C. Kimebela i tohu atu i te mau taata i Roto Miti. E mea tia hoi ia feruri tatou e, e tia noa ia faatupuhia mai i te tohu, no te mea, te taata o te faatupu mai i te tohu, e mana rahi roa to'na, e eiaha tatou e mana'o e, eita e tia i te taata ia tohu mai.

TE TUPU NEI TE TOHU TAHITO

No te faainoraa o te faatupuhia nei i nia iho i te atī Iuda i tera fenua e i tera fenua, te vai nei i rotopu i to te ao nei te mau huru mana'o e rave rahi. Mai te mea e, ua maitihia taua atī ra e te Atua, eaha ia te tumu i faatia'i oia ia hamani-ino-hia nei ratou i rotopu i te mau nunaa o te ao nei? Te hinaaro nei matou ia feruri tatou paatoa i nia i te tahi na tohu i tohuhia i mutaa ihora e Ieremia e Isaia.

Te na ô maira Ieremia, *Eiaha na e mata'u, e Iseraela; inaha hoi, na'u e faaora ia oe i te atea e ra, e to huaai mai te fenua i tītī ai ratou ra, * e aore e taata a haamata'uta'u mai.* E faahope roa vau i te mau fenua atoa tei haapurarahia'tu oe e au ra, eita vau e rave faahope ia oe; e a'o mama noa'tura vau ia oe, e ore e faaano roa ia oe. Aore roa te tahi i faatia i te parau no oe ia faaorahia oe. O te feia i pau ai oe ra, e pau atoa ia, e hope roa hoi to mau enemi i te faatītīhia; e te feia i pau ai ta oe ra tao'a, e riro atoa ta ratou ei tao'a pau; e o tei haru ia oe ra, o tei horoahia ia e au ia pau i te haru. Parau noa'i ratou ia oe, E mea faaruehia, o Ziona teie aore i haapaoaia e te taata atoa ra. (Ieremia pene 30)*

Te na ô maira Isaia, *E na ratou e patu i te mau vahi parari tahito ra; e patu faahou hoi i te mau vahi ano i mutaa ihora, e rave maitai hoi i te mau oire i pau ra; te mau pau i te ui tahito ra.* (Isaia 61:4)

Eiaha tatou e mana'o e, aita te Atua i ite i teie e ravehia nei i te atī Iuda i tera fenua e i tera fenua. Te faatia nei Oia i te reira, area ra, e faaora faahou Oia ia ratou, mai tei faaitēhia e Ieremia. *Inaha hoi, te fatata maira te tau, te na ô maira Iehova, e ruri e ai au i te tītīraa o to'u ra taata, ia Iseraela e ia Iuda, te parau maira Iehova; e aratai faahou mai au ia ratou i te fenua i horoahia e au i to ratou mau metua ra, e na ratou e parahi.* (Ieremia 30:3)

Te faaroo nei matou e, o te mau mahana hopea teie, e ua fatata te tau e haere faahou mai ai te Mesia. Te tupu nei teie na tohu i tohuhia i mutaa ihora, e eita ia e maoro e faatōhīhia'i te tupuraa o taua na tohu ra. I reira e tae mai ai te Mesia e haava i to te ao nei. Ia tamau maite ā tatou paatoa i te mau ture a te Atua e a haapao i te reira. Ia imi noa hoi tatou i te maramarama e ite ai tatou i te parau mau e no to'na vai-mau-raa.

Ame

Hau Mar
e ia tae
matabiti,
ni marite

Panic

nua no te
reira ua
nainai, e
e 4 pahi
ratou e t
iho, ua f
teni no t
tia i noa
i to'na m
pu i te m

Baret

nua Pani
na e ton
mai te m
na mau r
e tia ia'n
e ua nav
tu i te ha

I te f

hoē taata
mau taat
ra.

E faa

niel G. I
avae tue
i te roa,
tuhia te
mau hue
tomati i

E pi

tamau i
i i e aur
ru i te p
te mau i
ratou.

TE MAU PARAU APÎ

Amerika. Te faaitehia nei e, ua faatia e ua ani te Apooraa Rahi no te Hau Marite, oia hoi te Senat, ia faarahi te Hau i te mau pahi reva tama'i e ia tae noa'tu i te 6,000. Te faaite atoa hia ra, e haamau'ahia, i teie nei matahiti, e te Hau Marite, te moni ra e ono bilioni, 6,000,000,000, tara moni marite.

Paniora. I te 9 no te ava'e no Mati i mairi a'enei, ua haere te nuu manua no te Hau Paniora i te oire ra i Bizerte, Tunisia. I to ratou taeraa i reira ua tapeahia taua mau pahi ra, oia hoi, e toru pahi rahi e e vau pahi nainai, e te hau Farani mai te au i te ture. I te mahana i mua a'e ua tapae e 4 pahi reva no te hau Paniora i te oire ra i Oran, Algeria, e ua tapeahia ratou e te Hau Farani e te mau taata atoa i nia iho ra. I te fenua Paniora iho, ua faatupuhia te hoê faatereraa hau apî no te mea ua faahoi te Peretiteni no te Hau Paniora i to'na toroa e ua horo ê te mau feia faatere hau. Te tiaia noa nei o Franco i te huru o teie faatereraa hau apî ma te faaineine noa i to'na mau nuu. Te mana'ohia nei e, eita e maoro e tupu mai te hau i roto-pu i te mau Paniora atoa.

Baretane. Te haponu noa nei â te mau pahi Baretane i te maa i te fenua Paniora noa'tu i te mau paran opahiraa a Franco e ta'na mau pahi ta'na e tono nei no te opahiraa i te reira ohipa. Ua faaite te Hau Baretane e, mai te mea e haapeapeahia to'na mau pahi faauta ta'oa, e tono ia oia i to'na mau manua no te paruru ia ratou. Te faaite atoa nei te Hau Baretane e, e tia ia'na ia haponu i rapae i to'na fenua e piti milioni faehau tei ineine roa e ua navai to'na mau pahi reva no te parururaa i to'na iho fenua e tae noa'tu i te haere e tama'i i rapae.

I te fenua Vaihi, ua pohe a'enei te taata ra o taote WESTERVELT, te hoê taata papai parau tuatapapa o tei haapii e tei imi i te mau parau no te mau taata no Vaihi e to ratou mau tupuna e no ta ratou mau peu i tahito ê ra.

E faaapuraa apî. Te faaitehia nei e, te faaapu nei te taata ra o Nathaniel G. Harrold, i te tomati ma te repo ore. Te rahi o ta'na faaapu, e 60 ia avae tuea noa iho. I roto i taua area nainai ra te vai ra e 24 tura, e 10 avae i te roa, tei faaahia i te tahi mau raau (chemicals) e i nia iho i te reira na tuuhia te hu'a raau (excelsior), e i roto i te reira hu'a raau e neuehia'i te mau huero tomati. Na roto i taua ravea maere ra, e roaa ia'na e 150 kilo tomati i te tura hoê i roto i na mahana e 60 noa iho.

E pine rouru huru-ê mau. I to tatou nei fenua o te vahine ana'e te tamau i to ratou mau rouru i te pine, e te mau pine ta ratou e rave nei, e pine auri ia. I te fenua Papua ra, o te tane ana'e ia te tamau i to ratou rouru i te pine rouru; e ere râ ta ratou i te pine auri, maori ra e rave ratou i te mau ivi o to ratou mau fetii i pohe ra, a tarai ai te reira ei pine rouru no ratou.

Italia. Aita roa te Italia i mauuru i to te Farani tapearaa i te mau manua o te Hau Paniora o tei haere i Bizerte. Te parau nei ratou e, ia ore ana'e te Hau Farani e horoa oioi i tera mau pahi manua ia Franco, e riro ia te reira ei faatupuraa peapea ia Italia.

E upoo maramarama mau. Te vai nei te hoê tamaiti maere mau i te oire ra o Chattanooga, Tennessee, Amerika. O Joseph Ward to'na i'oa, e 11 noa iho to'na matahiti. E tia ia'na ia tai'o i te hoê ve'a taatoa e i na hora e piti i muri iho e tia noa ia'na ia faatie mai e, eaha te mau mea atoa tei papahia i roto i taua ve'a ra ma te hi'o ore i roto ra.

E apooraa rahi. Te faatupuhia nei te hoê apooraa rahi, i Melbourne, Australia, no te mau fenua o te moana Patitifa. Ua haamatahia taua apooraa ra e na fenua ra o Australia e o Niu Zelani. Te imi nei teie na fenua i te ravea ia tahoê raua i roto i te mau ravea no te parururaa ia raua iho i te enemi.

E ravea api. Te rave nei te hoê taata faaapu no Vaihi i te ravea api ia para oioi te painapo. No te taupupu o te tau pararaa painapo ua imi oia i te ravea ia oioi te reira, e teie taua ravea ra, e tuu oia i te mau painapo i roto i te hoê piha a tuu ai i te gaz o te carbure, oia hoi te acetylene, i roto i te piha. E na roto i taua ravea ra e para ta'na mau painapo i roto i na hora e 12 e tae noa'tu i te 18. E ravea faahiahia mau te reira.

E hi'o faarahi mau. Ia hi'o tatou i te oeoeraa o te hoê pine, e mea nainai roa te reira, area ra, ia hi'obia te reira na roto i hoê hi'o faarahi, tei hamanihia i te fenua Purutia, e riro ia te reira mai te hoê mereni i te rahi, no te mea, e faarahi te reira hi'o e 100,000 taima te mau mea e hi'ohia i roto ra.

E animala maramarama mau. I te fenua Inidia te faaravehia nei te elephani i te ohipa. E animala puai e te itoitaiti hoi te elephani ia rave i te ohipa, area ra, e animala maramarama roa. Ua ite oia i te hora haamataraa e te hora faaotiraa ohipa, e ia tae ana'e i te hora faaotiraa e faaea ihoa oia i ta'na ohipa i te vahi te reira oia. Ta ratou ohipa rahi i te fenua Inidia, o te tieraa ia o te mau tumu raau i tapuhia i roto i te mau uru raau.

I te fenua Niu Zelani ua riro te puaaniho ei ati e ei peapea no te mau feia faaapu i te tahi tufaa o taua fenua ra. No te rahi o te puaaniho i reira ua pupuhia e 800 o ratou i te matahiti i ma'ri a'e nei. E animala faufaa roa hoi te puaaniho no te mea te inuhia nei to'na u e te amuhia nei to'na i'o e te taata nei e te ravehia nei to'na iri no te hamaui i te iri puua tei ravehia no te tapoi i te mau buka faufaa rahi,

Te hoo: e 5 farane i te matahiti; e 10 fr. no na matahiti e 3.

Neneihia i roto i te Piha Neneiraa a te Ekalesia a Iesu Mesia I Te Feia Mo'a i Te Mau Mahana Hopea Nei. Papeete, Tahiti.

Marcel Bonnet Gérant. Kenneth R. Stevens, Imprimeur.
Rue Dumont d'Urville, Orovini, Papeete, Tahiti.

T

TE

E

te hara
moe to'
ho'a ia
hia ia o
roto i te
Tahi, e
mana to
i-raa i
tei tata

E hor
Mesia.
e te Ta
oia no
haamah
Na roto
Atua. I
paraure
pihaa o
Eita e t
roto ia'
ai i te c

Ua f
taata n
Ua faat
te pae t
E ere t